



Inatsisartunut ilaasortamut
Jens Napâtoq
Naleraq

05-05-2026
Sags nr. 2026 - 9179
Akt. id. 26474914

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 075-2026-mut soraarnerussutisiaqarneq pillugu akissuteqaat.

Asasara Jens NapâtôK.

Apeqqutinut qujanaq. Apeqqutit ataasiakkaarlugit ataani allaqqinneqarput, akissummik malitseqartillugit.

1. Nunatsinniik Danmark-imut nuunnermi, suliffeqarfinniik assigiingitsuniik nunatsinni pensionit katersorneqarsimasut tamaasa Danmark-imut nuunneqarsinnaappaat? (pigiinnarneqarsinnaappaat?)

Akissut: Nunatsinni soraarnerussutisianut aaqqissuussanut (SISA-mut, Grønlandsbankenimut imaluunniit Bankivimmut) soraarnerussutisiat akiliutigineqartut akileraarutinut tunngatillugu ilanngaaserneqarsinnaatitaapput. Akerlianik aaqqissuussaniit taakkunanga tunniunneqartut akileraaruserneqartarput.

Nunani allani soraarnerussutisianut aaqqissuussanut akiliutigineqartut piffissami akiliutigineqarneranni akileraaruserneqartarput. Akerlianik aaqqissuussaniit taakkunanga tunniunneqartut nunatsinni akileraarutinut ilanngunneqarneq ajorput.

Innuttaasoq Danmarkimut nuuppat nunatsinni soraarnerussutisianut aaqqissuussaniit tunniunneqartut Nunatsinni akileraaruserneqassapput. Tamanna atuuppoq soraarnerussutisianut aaqqissuussaniit tunniussineq ataasiarluni pineqartillugu, aamma pineqartumut soraarnerussutisianik ingerlaavartumik tunniussinerit pineqartillugit. Akerlianik innuttaasumut nuuttumut soraarnerussutisianut aaqqissuussamiit nunami allami tunniunneqartarpata, nunami pineqartumi tunniussinerit akileraaruteqarnissaannut tunngatillugu, nunami allami malittarisassat apeqqutaasarput.

Nunatsinni soraarnerussutisianut aaqqissuussat soorlu Danmarkimut nuunnermut atatillugu piffissaanngitsukkut atorunnaarsitsinernt akileraaruserneq pillugu immikkut ittunik malittarisassaqaarpoq. Taamatut pisoqartillugu akitsuut 55 %-iusoq tunniussinerimi akilernerneqartussaavoq.

Innuttaasut nunatsinni soraarnerussutisianut aaqqissuussanik nunanut allanut nuussinissamut pinngitsooritsinissaq pillugu Nunatsinni malittarisassaqaanngilaq, aamma nunatsinni soraarnerussutisianut



aaqqissuussat piginnarnissaannut pineqartunut periarfissaavoq. Taamaattoq nuussinerit taamattut akileraarutinit tunngatillugu sunniuteqassapput.

2. Utoqqaat ilinniagaqanngitsut utoqqalinersiutaannarnik tigusartagallit, utoqqaat qinikkatut sulereersimallutik soraarnerussutisiaqartut, utoqqaat danskit naalagaaffiani ukiorpassuarni sulisimasut il.il. aappaqarsimagunik aappaasup soraarnerussutisiai aappaasut utoqqalinersiutissaanut Danmarkimi naatsorsuinerimi apeqqutaatinneqartarpaat?

Akissut: Danmarkimi utoqqalinersiat pillugit Naalakkersuisut suliamut akisussaasuunngillat. Apeqquteqartoq apeqqutip qulaajarneqarnissaa pillugu Danmarkimi oqartussanut saaffinneqqullugu kaammattorneqarpoq.

Inussiarnersumik inuulluaqqusillunga


Maritha Broberg